

Svar

fjármála- og efnahagsráðherra við fyrirspurn frá Jóni Pétri Zimsen um samninga við félagasamtök.

Við vinnslu svarsins leitaði fjármála- og efnahagsráðuneytið til fimm undirstofnana sinna varðandi upplýsingar og gögn í tengslum við fyrirspurnina.

1. Hvaða félagasamtök höfðu í gildi þjónustu-, rekstrar- eða rammamning við ráðuneytið eða stofnanir þess sl. 10 ár og hver var fjárhæð greiðslna úr ríkissjóði til þessara félaga á grundvelli slíkra samninga? Svar óskast sundurliðað eftir félagi, eðli samnings og ári.

Á síðastliðnum 10 árum hefur fjármála- og efnahagsráðuneytið eingöngu verið með í gildi einn samning við hagsmunasamtökin Fjölís en sá samningur felur í sér heimild til ljósritunar, skönnunar, rafrænnar eftirgerðar og annarrar hliðstæðrar eftirgerðar verka sem njóta höfundaréttarverndar til afnota fyrir ríkisaðila í A- og B- hluta. Samningurinn er ekki lengur í gildi. Greiðslur samkvæmt samningnum á tímabilinu koma fram í eftirfarandi töflu, fjárhæðir eru í m.kr.

2015	2016	2017	2018	2019	2020	2021	2022	2024
9,3	9,4	9,4	9,7	0	20,3	10,3	11,0	11,5

Í svörum frá Fjársýslu ríkisins, Framkvæmdasýslunni – Ríkiseignum, Skattinum, Umbru – þjónustumiðstöð stjórnarráðsins og yfirskattanefnd kom fram að engir þjónustu-, rekstrar- eða rammamningar hefðu verið gerðir við félagasamtök sl. 10 ár.

2. Hverjar voru heildartekjur hvers félags sem um ræðir í 1. tölul. á sama tímabili og hvert var hlutfall samningsbundinna framlaga úr ríkissjóði af tekjum hvers þeirra á grundvelli umræddra samninga? Svar óskast sundurliðað eftir félagi og ári.

Fjármála- og efnahagsráðuneytið hefur ekki í höndum viðeigandi upplýsingar til að unnt sé að svara þessum tölulíð fyrirspurnarinnar er snýr að fyrrgreindum samningi við Fjölís.

3. Í hvaða erlenda styrktarsjóði, sem félagasamtök á Íslandi geta sótt um styrki úr, á mál-efnasviði ráðherra greiðir íslenska ríkið og hver var fjárhæð framlags Íslands í hvern þessara sjóða sl. 10 ár? Svar óskast sundurliðað eftir sjóði og ári.
4. Hversu háar fjárhæðir hafa íslensk félagasamtök á mál-efnasviði ráðherra samtals fengið úthlutað úr sjóðum sem íslenska ríkið greiddi í fyrrgreint tímabil? Svar óskast sundurliðað eftir sjóði og ári.
5. Hvert var hlutfall framlaga úr slíkum erlendum sjóðum af heildartekjum félagasamtaka sem hafa haft þjónustu-, rekstrar- eða rammamninga við ráðuneytið eða stofnanir þess sl. 10 ár? Svar óskast sundurliðað eftir félagi og ári.
6. Efuþplýsingar um heildartekjur liggja ekki fyrir hjá ráðuneytinu, hefur verið óskað eftir slíkum upplýsingum við gerð samninganna?

3.–6. tölul. fyrirspurnarinnar eiga ekki við um fjármála- og efnahagsráðuneytið né undirstofnanir þess.